



Bosnia and Herzegovina
Federation of Bosnia and Herzegovina
CANTON SARAJEVO
Ministry of Labour, Social Policy,
Displaced Persons and Refugees

Broj: 13-03/1-04-57021-42-1/26
Sarajevo, 13.03.2026. godine

SKUPŠTINA KANTONA SARAJEVO

Služba za skupštinske poslove

- O v d j e -

KANTON SARAJEVO

Stručna služba Vlade

- O v d j e -

Zastupnica Sebija Izetbegović je na 28. Radnoj sjednici Skupštine Kantona Sarajevo, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, uputila je zastupničku inicijativu da Ministarstvo za rad, socijalnu politiku, raseljena lica i izbjeglice Kantona Sarajevo uspostavi jedinstven registar svih socijalnih davanja na nivou Kantona Sarajevo.

Navedenu inicijativu, između ostalog, zastupnica Izetbegović je obrazložila na slijedeći način: „Cijeneći da je socijalna politika jedan od ključnih aspekata odgovornog i domaćinskog upravljanja Kantom Sarajevom, te da predstavlja osnov za pravednu i socijalno osjetljivu raspodjelu javnih sredstava neophodno je uspostaviti registar koji bi omogućio sprečavanje zloupotreba i dvostrukih isplata po različitim osnovama. Uspostavljanjem jedinstvenog registra omogućilo bi se efikasnije, opravdanije i optimalnije upravljanje budžetskim resursima, uz cilj da se osigura ravnopravna, pravedna i transparentna raspodjela sredstava, te da socijalna davanja zaista dođu do onih građana kojima su najpotrebnija.“

ODGOVOR:

U Ministarstvu za rad, socijalnu politiku, raseljena lica i izbjeglice Kantona Sarajevo zaprimljena je navedena inicijativa zastupnice Sebije Izetbegović, a koja je sa pažnjom razmotrena u okviru ovoga ministarstva, te s tim u vezi dostavljamo slijedeće informacije i odgovor:

Za područje Federacije Bosne i Hercegovine uspostavljen je jedinstveni informacioni sistem SOTAC koji sadržava podatke o korisnicima prava iz oblasti socijalne zaštite, zaštite civilnih žrtava rata i zaštite porodice sa djecom, te podatke o finansijskim sredstvima koja korisnici dobijaju po ovom osnovu.



Navedeni informacioni sistem podacima pune nadležne institucije, a u Kantonu Sarajevo konkretno službe socijalne zaštite koje djeluju u sastavu JU „Kantonalni centar za socijalni rad“ i općinske službe nadležne za ove oblasti koje djeluju u sastavu općina u Kantonu Sarajevo.

SOTAC, kao takav informacioni sistem, značajan je alat Ministarstvu za rad, socijalnu politiku, raseljena lica i izbjeglice u smislu praćenja utroška finansijskih sredstava za ove namjene, a također, predstavlja izvor relevantnih podataka potrebnih za izradu informacija, analiza i generalno praćenje stanja u oblastima: socijalna zaštita, zaštita civilnih žrtava rata i zaštita porodice sa djecom.

Također, značajno je napomenuti da je, shodno Zakonu o jedinstvenom registru korisnika gotovinskih naknada na koje se ne uplaćuju doprinosi („Službene novine Federacije BiH“, broj 25/17) uspostavljen Jedinstveni registar korisnika gotovinskih naknada pojedincima na koje se ne uplaćuju doprinosi, kao softversko rješenje jedinstvene elektronske baze podataka u kojoj se prikupljaju, pohranjuju i obrađuju podaci o izvršenim uplatama gotovinskih naknada pojedincima i njihovi lični podaci, te se generiraju ovim zakonom propisani izvještaji. Navedenim registrom upravlja, te ga vodi i održava Federalno ministarstvo rada i socijalne politike, a Kanton Sarajevo putem imenovanih osoba, uposlenika Ministarstva za rad, socijalnu politiku, raseljena lica i izbjeglice, ima pristup i mogućnost unosa podataka u ovaj registar.

Međutim, i pored svega navedenog, smatramo dostavljenu inicijativu opravdanom u smislu neophodnosti kontinuiranog održavanja, razvijanja i unapređivanja informacionih sistema sa ciljem sprečavanja zloupotrebe i dvostrukih isplata korisnicima po različitim osnovama, praćenja stanja u navedenim oblastima, te omogućavanja boljeg ciljanja korisnika prava iz ovih oblasti.

S poštovanjem,

Pripremila: Smaragda Lučkin, šef O
Kontrolisao: Miralem Dedović, pom
Sekretarka Ministarstva: Amira Gackić

Dostavljeno:

1. Naslovu,
2. a/a.

